

ხ ე ლ შ ე კ რ უ ლ ე ბ ა

ერთის მხრივ, ----- “შემსრულებელი” და

მეორეს მხრივ შპს „ლუკოილ-ჯორჯია“ (საიდენტიფიკაციო კოდი 204976302, იურიდიული მისამართი ქ. თბილისი, მტკვრის მარჯვენა სანაპირო, გოთუას ქუჩის მიმდებარე ტერიტორია), წარმოდგენილი მისი დირექტორის ზაზა ქათამაძის სახით, რომელიც შემდგომში მოხსენიებულია როგორც "დამკვეთი",

“შემსრულებელი” და “დამკვეთი” ერთობლივად მოხსენიებული არიან როგორც "მხარეები" და ცალ-ცალკე – როგორც "მხარე"

„დამკვეთი“-ს მიერ 2018 წლის ----- ჩატარებული ტენდერის საფუძველზე, მხარეები შთანხმდნენ გააფორმონ ხელშეკრულება შემდეგზე:

მუხლი 1. ხელშეკრულების საგანი და მხარეთა ძირითადი უფლება-მოვალეობები

- 1.1. “შემსრულებელი” იღებს ვალდებულებას “დამკვეთი” დაუშვას ინტერნეტ-რესურსებთან დაშვება ამ ხელშეკრულების დანართ(ებ)ით განსაზღვრული გამტარუნარიანობის სიმძლავრეებით (« მომსახურება ») ამავე დანართ(ებ)ით განსაზღვრულ მომსახურების მიწოდების წერტილებში (« ჩართვის წერტილი »). დანართ(ებ)ით ასევე განისაზღვრება თითოეული ჩართვის წერტილში მისაწოდებელი მომსახურების ყოველთვიური საფასური და ინსტალაციის ღირებულება (ასეთის არსებობის შემთხვევაში). თითოეულ ჩართვის წერტილში მიწოდებული მომსახურება ითვლება ცალკე მომსახურებად
- 1.2. „შემსრულებელი“ აცხადებს და იძლევა გარანტიას, რომ მას აქვთ სრული უფლება და შესაძლებლობა, შეასრულოს წინამდებარე ხელშეკრულებით ნაკისრი ვალდებულებები საქართველოს მოქმედი კანონმდებლობის შესაბამისად. კერძოდ, იგი წარმოადგენს ინტერნეტ მომსახურების გაწევაზე საქართველოს კომუნიკაციების ეროვნული კომისიის მიერ ავტორიზებულ პირს და მას გააჩნია წინამდებარე ხელშეკრულების 1.1. პუნქტის საფუძველზე მიღებული ინტერნეტ მომსახურებისათვის და მიწოდებისათვის საჭირო ყველა და ნებისმიერი ლიცენზია ან/და ნებართვა.

მუხლი 2. ანგარიშსწორება. გადაუხდელობის შედეგები

- 2.1. წინამდებარე ხელშეკრულების 1.1 მუხლით განსაზღვრული “დამკვეთისთვის” გასაწევი მომსახურების ყოველთვიური ღირებულება და ინსტალაციის ღირებულება (ასეთის არსებობის შემთხვევაში) განისაზღვრება დანართ(ებ)ით.

2.2. მხარეები თანხმდებიან, რომ ყოველთვიური მომსახურების ფასის გადახდა ხდება ყოველთვიურად გაწეული მომსახურების შესაბამისად.

მუხლი 3. ხელშეკრულების შესრულების პირობები

- 3.1. მხარეები ვალდებული არიან შეუქმნან ერთმანეთს სათანადო პირობები ხელშეკრულების პირობების შესრულებისათვის;
- 3.2. მხარეები ვალდებული არიან ხელშეკრულების შესრულების პროცესში წარმოშობილი ხარვეზის შესახებ მეორე მხარეს წერილობით შეატყობინონ ხარვეზის შესახებ ინფორმაციის მიღებიდან დაუყოვნებლივ, ხოლო მეორე მხარე ვალდებულია რაც შეიძლება სწრაფად აღმოფხვრას ხარვეზი;

მუხლი 4. მხარეთა პასუხისმგებლობა, ვალდებულების დარღვევის შედეგები

- 4.1. ხელშეკრულებით განსაზღვრული ვალდებულებების მთლიანად ან ნაწილობრივ დარღვევის შემთხვევაში დამრღვევ მხარეს მეორე მხარის სასარგებლოდ დაეკისრება მიყენებული ზიანის ანაზღაურების ვალდებულება;

მუხლი 5. ხელშეკრულების მოქმედება და შეწყვეტის პირობები

- 5.1. წინამდებარე ხელშეკრულება ძალაში შედის 2018 წლის -----დან და მოქმედებს 2020 წლის -----მდე. მხარეებს აქვთ უფლება, ნებისმიერ დროს შეწყვიტოს ხელშეკრულება მთლიანად ან ნებისმიერ ჩართვის წერტილზე მისაწოდებელი მომსახურების ფარგლებში, მეორე მხარისათვის წინასწარი 30 დღიანი წერილობითი შეტყობინების გაგზავნის გზით.
- 5.2. ხელშეკრულება, 5.1. მუხლით განსაზღვრული პირობის დაუცველად, შესაძლოა შეწყდეს შემდეგ შემთხვევებში და შემდეგი პირობებით:
 - 5.2.1. საქართველოს კანონმდებლობით გათვალისწინებულ შემთხვევებში.
 - 5.2.2. იმ შემთხვევაში, თუ ერთ-ერთი მხარე დაარღვევს წინამდებარე ხელშეკრულებით ნაკისრ რაიმე ვალდებულებას, და მეორე მხარისაგან წერილობითი შეტყობინების მიღების შემდეგ შეთანხმებულ გონივრულ ვადაში არ გამოასწორებს აღნიშნულ დარღვევას. ამ შემთხვევაში ხელშეკრულების შეწყვეტის ინიციატორი მხარე თავისუფლდება ყველანაირი პასუხისმგებლობისაგან. ამ შემთხვევაში მიიჩნევა, რომ ხელშეკრულება შეწყდა დამრღვევი მხარის ბრალით.
- 5.3. ხელშეკრულების ნებისმიერი მიზეზით შეწყვეტა არ ათავისუფლებს “დამკვეთს” ამ ხელშეკრულების შესაბამისად “შემსრულებლისაგან” ხელშეკრულების შეწყვეტამდე მიღებული მომსახურების საფასურის სრულად გადახდის ვალდებულებისაგან.

მუხლი 6 ფორს-მაჟორი

- 6.1. ნებისმიერი მხარის მიერ წინამდებარე ხელშეკრულების ნებისმიერი პირობის დარღვევა ან შეუსრულებლობა არ შეიძლება გახდეს ხსენებული მხარის წინააღმდეგ ნებისმიერი მოთხოვნის ან მისი წინამდებარე ხელშეკრულების დარღვევაში დადანაშაულების საფუძველი იმ შემთხვევაში, თუკი ამგვარი დარღვევა ან შეუსრულებლობა გამოწვეულია ფორს-მაჟორული გარემოებებით, რომელთა წინასწარ განჭვრეტა ან თავიდან აცილება შეუძლებელია მხარეთა გონივრული მცდელობით. ამგვარი საგანგებო გარემოებები შემოფარგლულია წყალდიდობით, ხანძრით, მიწისძვრით და სხვა სტიქიური მოვლენებით, აგრეთვე ომით, სამხედრო ოპერაციებით, გაფიცვებით, ამბოხებებით, ხელისუფლების მიერ მიღებული დადგენილებებით ან განხორციელებული ქმედებებით ან მსგავსი ხასიათის სხვა გარემოებებით ან ქმედებებით;
- 6.2. მხარე, რომელიც აცხადებს ფორს-მაჟორული გარემოებების დადგომის შესახებ, წინამდებარე ხელშეკრულების საფუძველზე ნაკისრი ვალდებულებებისგან უნდა გათავისუფლდეს მხოლოდ იმ მოცულობით, რომლითაც აღნიშნული ვალდებულებების განხორციელება შეფერხებულია ფორს-მაჟორული გარემოებებით და არ უნდა გათავისუფლდეს წინამდებარე ხელშეკრულებით დაკისრებული ნებისმიერი სხვა ისეთი ვალდებულებისგან, რომელსაც არ აფერხებს ფორს-მაჟორული გარემოებები;
- 6.3. მხარეს, რომელიც აცხადებს ფორს-მაჟორული გარემოებების შესახებ, უნდა ჰქონდეს ამგვარი გარემოებებით შეფერხებული ან დაყოვნებული ვალდებულებების შესრულების დროის შესაბამისი გახანგრძლივების უფლება.

მუხლი 7. მარეგულირებელი კანონმდებლობა და დავების გადაწყვეტა

- 7.1. წინამდებარე “ხელშეკრულება” რეგულირდება საქართველოს კანონმდებლობის შესაბამისად;
- 7.2. თუ “ხელშეკრულებასთან” დაკავშირებით ან მისგან გამომდინარე, ან მისი ნებისმიერი დარღვევის, შეწყვეტის ან კანონიერების შესახებ წარმოიშვება ნებისმიერი დავა ან სხვაგვარი უთანხმოება (“დავა”) მხარეებს შორის, ერთი მხარის მიერ მეორისაგან “დავის” წარმოშობის შესახებ შეტყობინების მიღებიდან ათი (10) კალენდარული დღის განმავლობაში მხარეები პირველ რიგში მიმართავენ სრულ ძალისხმევას “დავის” ორმხრივი მოლაპარაკებების გზით გადაწყვეტისათვის;
- 7.3. თუ “დავის” გადაწყვეტა შეუძლებელია ამ ათი (10) კალენდარული დღის განმავლობაში ორმხრივი მოლაპარაკებების გზით, როგორც ეს განსაზღვრულია ამ “ხელშეკრულების” 7.2 პუნქტით, წინამდებარე ხელშეკრულებიდან ან მის

საფუძველზე დადებული დამატებითი შეთანხმებებიდან გამომდინარე ნებისმიერი დავა განსახილველად და საბოლოო გადაწყვეტილების მისაღებად გადაეცემა საქართველოს სასამართლოს.

მუხლი 8. დასკვნითი დებულებები

- 8.1. წინამდებარე ხელშეკრულების არცერთი დებულება არ შეიძლება დაექვემდებაროს შესწორებას, ცვლილებას, უარყოფას, ანულირებას ან გაუქმებას მხარეთა წერილობითი შეთანხმების გარეშე.
- 8.2. წინამდებარე ხელშეკრულება წარმოადგენს ხელშეკრულების საგანთან დაკავშირებით მხარეთა შორის არსებულ სრულ შეთანხმებასა და მორიგებას. არც ერთ მხარეს არ დაუდია ხელშეკრულებები იმ განცხადებებზე, გარანტიებსა და პირობებზე დაყრდნობით, რომელიც არ არის ასახული ხელშეკრულებებში.
- 8.3. წინამდებარე ხელშეკრულება შედგენილია ქართულ ენაზე 2 (ორი) თანაბარი იურიდიული ძალის მქონე ეგზემპლარად, რომელთაგან თითო ეგზემპლარი გადაეცემა თითოეულ მხარეს.

დამკვეთი

შემსრულებელი